

## DTV Brätlet 2023

Bi wunderbarem Wätter am 5. Juli 2023, dr letscht Mittwoch vor de Summerferie, hei sech d Seniorinne, d Froue, die Aktive+ und die Aktive zu üsem jährläche Brätlet im Waldhus in Worbe troffe.

Bi feine Grillsache und bi Spis u Trank isch me gmüetliche zäme ghöcklet, het viu brichtet, glachet u ou viu vo früecher verzeut. Da merkt me, dass Zit nid blibt stah.

Bim zwöite luschtige Teil, isch in Riegen durchmischte Gruppe gspielt worde. Me het Liedli müesse summe und errate, feini Schaumküsse ohni Hiuf vo Händ so schnäu wie müglech ässe, Persone anhand vo Frage mit Ja und Nei müesse errate, Memorie spiele und no vieles meh. Es isch gwettiferet worde und säubschtverständlech ou viu glachet.

Anschliessend hei mir üs am wunderbare und sehr viusitige Dessärbüffet dörfe bediene.

Danke de Aktive fürs Organisiere und de Seniorinne für die leckere Schnousereien. Und ou merci aune wo am Schluss no hei ufgrumt.

Ig wünsche aune wunderbari Summerferie

Annemarie Rüfenacht

